

NO. 289

A. Sources: K p.253-254,² M f.57a(lost), N f.124r-v,³ P f.112-113(fr),⁴ T f.42r-v,¹
X f.171r-v⁵

B. Bibliography: SR 499, L 35-1, MW 902-9

C. Structures: a) Melody: A(a b)A B(c d b'e)
b) Poem: a(10-4) b(10₄) a b b a b a
c) Stanzas: 1-3 4 5 e
KX x x x
NP x x x x
T x x

D. a) Poetic type: chanson de croisade
b) Attributions: KNPX: Chardon de Rains
MⁱT: Robert de Blois

E. a) mode: I
b) rh. mode: 6

No. 289 - 2

X
P
N
K
T

1. Li de - par - tirs de la dou - ce con - tre - e 2. u la bele est m'a mis en grant tri - stor.
3. Lais - sier m'e - stuet la riens c'ai plus a - me - e 4. pour Da - me - dieu ser - vir, le cre - a - tor.

X
P
N
K
T

5. Et ne - pour - quant tous re - maig en s'a - mour, 6. car tous li lais mon cuer et ma pen - se - e;

X
P
N
K
T

7. se mes cors va ser - vir no - stre si - gnour, 8. pour çou n'ai pas bonne a - mor ou - bli - e - e.

1. Li departirs de la douce contree
 u la bele est m'a mis en grant tristor.
 Laissier m'estuet la riens c'ai plus amee
 pour Damedieu servir, le creator.
 Et nepourquant tous remaig en s'amour, 5
 car tous li lais mon cuer et ma pensee;
 se mes cors va servir nostre signour,
 pour çou n'ai pas bonne amor oubliee.
2. Amors, ci a trop dure desevee,
 quant il m'estuet partir de la millour 10
 ki onques fust ne ki jamais soit nee,
 tant a en li cortoisie et valour.
 Nus ne s'en doit merveillier se je plour,
 quant mes cors va faire sa destinee
 et le miens cuers est si mis el retour 15
 que sans fauser tent a sa dame et bee.
3. Dame en qui est et ma mors et ma vie,
 de vos me part plus dolens que ne di.
 Mon cuer avés del tout en vo baillie;
 retenés le, u vous m'avés traï. 20
 Dieus, ou irai? Ferai je noise u cri,
 quant il m'estuet faire la departie
 de mon fin cuer et laissier a celi
 ki ainc del sien ne me laissa partie?
4. Cil fauz amant par droit Amors mercie 25
 des biens q'il a, mais je fail a merci;
 en losengier et en fausser s'afie,
 mes je du tot en biau servir m'afi.
 Ma loiauté me tout, ge.l sai de fi,
 la joie qu'ai par reson deservie; 30
 mult me poise que je onques la vi,
 quant fine Amor por li si me desfie.
5. Douce dame, qui mes cuers pas n'oublie,
 ne me voelliés pour rien metre en oublï!
 Jamais nul jor ne ferai autre amie; 35
 pour Dieu vous pri, ne faites autre ami!
 Mais se je sai que vos gabés de mi,
 la mors n'iert pas entiere ne demie;
 ne ja de moi ne ferés anemi,
 se loiautés ne m'i est anemie. 40
- 6.*Au departir, douce dame, vos pri
 que ja por riens que losengiers vos die
 ne m'oubliez; et je tout autresi
 jamés vers vos ne ferai vilanie.

* The envoi is sung to the melody of vv.5-8.